

RIJEČ GLAVNOG UREDNIKA

Poštovana akademska i stručna zajednico, čitateljice i čitatelji,

Imamo čast i zadovoljstvo predstaviti Vam novi, drugi u 2023. godini, broj časopisa "Uprava", naučnog časopisa za upravu i upravno pravo. Časopis "Uprava" u kontinuitetu od 2010. godine objavljuje naučne i stručne radove i analize iz različitih domena uprave i upravnog prava. U novom broju, koji Vam predstavljamo, objavljeni su sljedeći radovi: LIČNI ZDRAVSTVENI PODACI I ZNAČAJ NJIHOVE UPRAVNE ZAŠTITE (Emir Mehmedović, Amila Mehmedović); FINANCIJSKE INTEGRACIJE I STRUKTURE U EUROPI: USPOREDNA STUDIJA SLUČAJA BOSNE I HERCEGOVINE I SLOVENIJE (Abdul Wahab Aidoo, Avdibašić Ajla, Ognjen Riđić); SPECIFIČNOSTI NEPORESKIH PRIHODI DRŽAVE SA OSVRTOM NA BOSNU I HERCEGOVINU (Merdža Handalić Plahonjić, Ensar Bugari, Amar Kozadra); UPRAVNI SPOR PUNE JURISDIKCIJE U BOSNI I HERCEGOVINI – POTREBA I ZNAČAJ (Emir Kadrić); SARAJEVO – POTENCIJALI I OGRANIČENJA U RAZVOJU GRADA I REGIJE (Merdža Handalić Plahonjić, Fatima Kuka); STANJE I PERSPEKTIVE LOKALNOG EKONOMSKOG RAZVOJA U BOSNI I HERCEGOVINI (Selma Alić); UPRAVLJANJE I ORGANIZACIJA ORUŽANIH SNAGA SAD-a (ČLANICA NATO-a) I ORUŽANIH SNAGA BOSNE I HERCEGOVINE (Rusmir Musa); ULOGA DRŽAVNIH I OSTALIH TIJELA U FINANSIJSKIM ISTRAGAMA KRIVIČNIH DJELA (Bećir Mustafić); REFORMSKI PROCES UVOĐENJA LICENCIRANJA DIREKTORA OSNOVNIH I SREDNJIH ŠKOLA (Lejla Tuzlak, Ivona Ražnatović).

Teme predstavljaju važan segment u razumijevanju, saznanju i spoznajama koje su od naučnog, ali i šireg društvenog značaja. Tematske cjeline koje su obuhvaćene ovim brojem časopisa predstavljaju kombinaciju različitih pristupa javnoj upravi i svim drugim aspektima koji su u manjoj ili većoj mjeri u vezi s upravom.

U periodu nakon objavljivanja časopisa broj 1/2023, Urednički odbor je radio na daljnjem povećanju vidljivosti časopisa "Uprava" u novim međunarodnim bazama podataka. Tako je u međuvremenu časopis indeksiran i u International Innovative Journal Impact Factor – IIJIF.

Pored zahvalnosti Uredničkom odboru na tim uspjesima, posebnu zahvalnost upućujemo i svim autorima i saradnicima koji su dali i koji će i dalje davati veliki doprinos u povećanju vidljivosti časopisa.

Zahvaljujemo se, još jednom, našim autorima, čitateljima, redakciji, organima upravljanja Fakulteta za upravu i Univerziteta u Sarajevu, predstavnicima naučnih baza u kojima je časopis indeksiran i svima koji su doprinijeli razvoju časopisa u proteklim godinama.

U ime redakcije časopisa, srdačno Vas pozdravljam i preporučujem ovo izdanje.

Doc. dr. Ermin Kuka,
glavni urednik časopisa